



MARKAS ANGKATAN TENTERA MALAYSIA
 BAHAGIAN HAL EHWAL AWAM-J7
 Wisma Pertahanan
 Jalan Padang Tembak
 50634 KUALA LUMPUR
 Tel: 03-4013 0078
 Laman Web: www.mafhq.mil.my

SIARAN AKHBAR

MELAKA

29 MAC 2021

(Dikeluarkan pada jam 6.30 petang)

LAWATAN KERJA PANGLIMA ANGKATAN TENTERA KE KEM TERENDAK, MELAKA

1. Panglima Angkatan Tentera, Jeneral Tan Sri Dato' Sri Hj. Affendi bin Buang TUDM telah mengadakan Lawatan Kerja di Kem Terendak, Melaka dengan tumpuan lawatan di 94 Hospital Angkatan Tentera (94 HAT) Terendak dan ketumbukan pasukan 10 Brigid Para (10 Bgd Para).

2. Bagi sesi lawatan beliau ke ke 94 Hospital Angkatan Tentera (HAT) Terendak, adalah bertujuan untuk melihat fasilitas serta mendapatkan perkembangan terkini rancangan kerja-kerja naik taraf yang bakal dilaksanakan oleh hospital berkenaan. Lawatan ini juga adalah susulan dari sesi lawatan kerja yang telah dilaksanakan oleh Menteri Kanan Pertahanan pada 28 Nov 2020 yang lalu.

3. Sepanjang lawatan di hospital berkenaan, beliau telah ditaklimatkan oleh Pegawai Memerintah 94 HAT, Brigedier Jeneral (Dr) Hj Mohamed Hatta bin Hj Manis dengan diiringi oleh Ketua Pengarah Perkhidmatan Kesihatan, Leftenan Jeneral Dato' Pahlawan (Dr) Md Amin bin Muslan. Panglima Angkatan Tentera telah diberi taklimat khusus berkenaan kerja-kerja naik taraf kemudahan di hospital berkenaan meliputi perkara berikut:

- a. Kerja naik taraf keseluruhan Dewan Bedah.
- b. Kerja naik taraf keseluruhan Wad ICU.
- c. Kerja naik taraf keseluruhan Jabatan Kecemasan.
- d. Kerja naik taraf keseluruhan Jabatan Bekalan Steril (CSSD).
- e. Kerja penambahbaikan bumbung bangunan utama Hospital.
- f. Kerja naik taraf sistem bekalan air yang melibatkan pembinaan 1' x menara tangki air yang berkapasiti 450000 gelen.

- g. Kerja naik taraf sistem lif utama pesakit iaitu penggantian 2 x lif penumpang, 1 x lif sisa klinikal dan 1 x lif ICU.
- h. Kerja naik taraf sistem bekalan elektrik utama kompleks hospital melibatkan pembinaan pencawang elektrik baharu serta penggantian sistem janakuasa siap sedia (standby generator).
- i. Kerja naik taraf sistem melawan kebakaran di blok pembedahan, ICU, Dewan Bedah dan Jabatan Bekalan Steril (CSSD - *Central Sterile Services Department*).
- j. Kerja naik taraf sistem bekalan gas perubatan.
4. Semua kerja-kerja penambahbaikan dan naik taraf ini adalah berdasarkan peruntukan RM40 juta untuk proses menaik taraf dan menyelenggara hospital berkenaan yang telah diumumkan oleh Menteri Kanan Pertahanan pada 28 Nov lalu.
5. Projek-projek ini juga berada diperingkat penilaian teknikal tender oleh pihak JKR dan dijangka akan bermula pada penghujung bulan Julai nanti. Peruntukan tersebut adalah bagi menampung keperluan semasa hospital berkenaan dalam menyediakan kemudahan kepada warga Angkatan Tentera Malaysia (ATM), veteran dan juga komuniti setempat yang memerlukan.
6. Bagi program lawatan kerja di 10 Bgd Para, adalah bertujuan untuk melihat keupayaan aturgerak 10 Bgd Para sebagai salah satu elemen dalam Pasukan Aturgerak Cepat (PAC) ATM di samping mendapatkan perkembangan pembangunan ketumbukan brigid berkenaan dalam semua perkara terutama aspek kesiagaan.
7. Beliau juga telah dipertontonkan dengan demonstrasi keupayaan tempur 10 Brigid (Para). Antara demonstrasi yang dipersembahkan adalah Penerjunan Bebas, Pertunjukan Tempur Tanpa Senjata, *Tactical Combat and Casualty Care (TCCC)*, Renang Tempur, Latihan Menara, *Sniper Insertion*, Tembakan Artileri Medan dan Pertahanan Udara, Serangan Seksyen sebelum diakhiri dengan *Human Wave* ketumbukan *Leading Parachute Battle Group* atau LPBG.
8. Panglima Angkatan Tentera turut dianugerahkan Beret Merun dan Sayap Penerjunan Ke hormat yang disempurnakan oleh Panglima Tentera Darat, Jeneral Tan Sri Datuk Zamrose bin Mohd Zain. Penganugerahan beret dan sayap yang menjadi kebanggaan 10 Brigid Para ini merupakan penghormatan dan pengiktirafan brigid berkenaan kepada individu, pemimpin tertinggi tentera atau kerajaan sama ada di dalam atau luar negara.
9. Sebagai penghargaan dan penghormatan kepada beliau juga, seramai 10 pegawai dan 1105 anggota Lain-Lain Pangkat 10 Brigid Para yang diketuai oleh Lt Kol Nor Azlan bin Abu mempersembahkan Para War Dance atau Tarian Perang yang melambangkan keberanian seorang Perajurit Para.

"KEDAULATAN NEGARA TANGGUNGJAWAB BERSAMA"